

ՌԱՓԱՅԷԼ ՊԱՏԿԱՆԵԱՆԻ ՆԱՄԱԿՆԵՐԸ *)

Հոգիս Գանանեան.

Քու ուշացած նամակը դարձեալ ուշ հասաւ իմ ձեռ. և ես շտապում եմ որքան կարելի է շուտով գրել նորա պատասխանը, որ վերանորոգուի մեր խանգարուած թղթակցութիւնը, որից առաջները մեզ մեծ բարոյական օգուտներ ունէինք և այժմ ֆնացել է միայն նորա յիշատակը: Այն, սիրելի Գէորգ, ես յետ չեմ կենում իմ առաջարկութիւնիցն թէ՛ մեր «ուղարկիր» խօսքը պիտի ունենայ նշանակութիւն և վերջընթեր (предпоследний) նամակս քեզ յայտնեց որ՝ ես դորա ներհակ չեմ ներգործել. բայց թէ դու ինձ տեսնէիր իմ ներգործութիւնս այստեղ (որ ես անպարկեշտութիւն եմ համարում քեզ ասելը) այն ժամանակ դու և Թիմուրեանը կ'վկայէիք թէ որքան նուիրական է ինձ համար որպէս ևիցէ համոզմունքը: Կրկին անգամ ասում եմ, ես յետ չեմ կենում իմ այն խօսքից, որ ասել եմ այն ժամանակ, երբ որ մեր առողջամտութիւնն է տիրել և ոչ տաքացած ուղեղը: Թողնենք այս: Ստացմար ումանը:

Ափսոս որ չեմ կարողանում ցոյց տալ նոր շինած մայրերըս. հրաշալի և անզուգական գիւտ է այդ մեր տպարանի համար. օրացոյց, Եզովոս և Ռուսա-հայ բառարանի սկիզբը քեզ կ'ապացուցանեն շուտով թէ ի՞նչ օգուտներ գիտեմ ես քաղել յաջողակ հանգամանքից: Արճիճեայ տառերդ և նորածե տաղարանը (որ կ'հաւանիս Աստծով) շուտով կ'ստանաս. միամիտ եղիր: Թիմուրեանի լուրթիւնը ինձ ոչ թէ զարմացնում է, այլ և զայրացնում է. պատճառը չի գրելուդ պատճառը, ի՞նչ է: Միթէ թազցնում ես նորա կողմանէ մի աններելի գնացքն 'ի զո՞ւր: Գամառը հաւանել ես. շատ ուրախ եմ: Միւսը աւել կ'հաւանես: Ես քեզ խնդրել էի անցեալ անգամ ինձ փոքր ինչ

*) Տե՛ս «Մուրճ» № 5.

օգնութիւն անել, եթէ դու չես կարող, աշխատիր, խնդրեմ, տեսնել Սանասարեանին. նա ինձ խոստացել էր մօտ 200 մանէթ տալ. ես վերջի ժամանակ չի կարողացայ նորան տեսնելու (հիւանդ էի). այնպէս մնաց. նա գնաց Մոսկով. Երբ որ տեսնես նորան՝ կարգադրէ այնպէս որ Խալաթովը միշտ ստանայ ինձանից կամ քեզանից և վարձ չի պահանջած ուղարկէ Թիֆլիս. Սանասարեանը դիտէ այդ մասին և ինձ խօսք տուել է. Տպարանական գործը այժմ այսպէս է. մենք ունինք ամէն հարկաւոր բաները. շուտով կ'ստանանք մամուլը պր. Իզմիրեանից. կ'տանք Նոնսօնի 150 մանէթ պարտքը և կը բանանք մեր սեպհականը. Ես կանխագոյն պատրաստել եմ 3 հատ գրաշար, որ խիստ արագ շարում են. Բոսսէն և Բէռոյելը մեզ տալիս են մեծ օգուտ իւրեանց տպելու գրքերով, որ մեր մօտ կ'լինի Թիֆլիզից ևս խնդրում են «մեր գեղեցիկ տառերով և տիպով» տպել մի աշխատութիւն, այդ լաւ է որ՝ մեր տպարանի (որ НАДЪЛЪ դեռ ևս չի կայ) անունը հեռուումը լաւ ձայն ունի. Ստացայ Փարիզից, Վենետիկից և Կոնստանդնուպօլից գովասանք. այնտեղի օրագրներումը «ազգային» մասումը՝ մեր անունը հռչակուած է, լսել ես. Դիւօրիէն մեզ կամում է ունենալ գործակատար իւր Հայոց մասին աշխատութեանցը և հրատարակել է իր օրագրի մէջ ևս և մեր աշխատութիւնքը տպելու և հրատարակելու է Revue Orientale օրագրումը. Միթէ այդ լաւ լուր չէ. Մի ուրեմն քնիլ. յայտնէ այս ամէնը Թիմուրեանին (եթէ ես գրեմ 'ի դուր է. նա չի ուզում, երևի, ինձ հետ թղթակցութիւն ունենալ): Հայոց գիրքերու КАТАЛОГЪ-ի (ցուցակ) մասին առաջի անգամն եմ լրսում քեզանից. այն ինչ նամակիցս երևում է որ ուրիշ անգամ էլ յիշած ես եղել այդ մասին. բարի է. միւս նամակումս կ'գրեմ խիստ լաւը. Այս անգամ ամեն ճիշտ 'ի գործ դրի և գտայ 11 կոպէկ այս նամակի ծրարագրի համար. միւս անգամուայ նամակիս ուշանալը իսկապէս փող չ'ունենալս, կ'լինի. Աստուած է վկայ որ սուտ չեմ ասում. Վերջապէս ծիծաղելի բան է որ ես գործ եմ կատարում առանց մի կոպէկի. հօգիս, աշխատէ 'ի սէր քեզ սրբազան զգացմունքի, ազատել ինձ այս աններելի դրութիւնից. ուղիղ հաշուով այս վերջի անգամն է որ ես առաջուայ պէս նեղուած եմ տպարանական պարտատէրներից. Թիֆլիս, Եւթտարեան, Նախիշևան և այլ քաղաքներ այբբենարան չուղարկելով մեզ ֆլասեց. ես разсчитывалъ նոցա վրայ. ուրիշ աղբիւր բացի մեր տպած գրքերից ունիւք, ինքըդ ասս. բայց միտք արա որ՝ ես անդադար մարդիկ եմ բանացնում տառ Թափել, տպել, ուղարկել, կազմել, մայրեր

շինել, թուղթ կայլն կայլն, այս ամհնը ոչ ոք ձրի չի անիլ. խնայէ ինձ. միթէ ես մեղք չեմ: Ուրեմն, ես սպասում եմ քեզանից շարաթ օր... փող: Բայց ինչ որ ուրիշ բաներ ապսպրել էի վերջընթեր նամակներումս՝ կատարէ ճիշտ: Ֆիդանեանի տոմսակները պէտք է ստանալ, ամօթ է: Ինչո՞ւ Բուդաղեանին գիր չես գրում. նա խիստ վիրավորուած է քեզանից, ասում է թէ՝ ես նորա խօսքին հաւատալով մի նշանաւոր մարդու հետ խօսեցայ, Վճռեցի և... ամօթով և սկերես մնացի: Ի՞նչ կ'ասես: Միթէ այսուհետև կարելի է մեր կողմիտ հայ վաճառականներու հետ բան բռնել. բայց պիտի իմանաս որ Բուդաղեանը ազիզ հոգիով մարդ է: Միթէ չգիտես որ Քերոբը արտասահմանումն է. հա՛. նա այնտեղ է, ես կարծում էի որ ես քեզ գրել եմ այդ մասին. ահա արդէն ամիս է որ նա բժշկուելու համար գնացել է այնտեղ, և ինձ Քուէյցնախից գիր է գրում: Շատ գովում է այնտեղի կեանքը, բայց առանձին բան չեմ գտնում նորա նամակումը. вѣрно у него зубъ съ свистункой, ինչպէս Добчинский-ի:

Մնամ մ. ք. ս. Ռափայէլ. ե. ք.

1857 25 յունիսի

Ս. Պ. Բուրգ:

Հոգեհարազատ եղբայր Գէորգ.

Երեկ, այս ամիս 2-ին մի փոքրիկ նամակ ուղարկեցի և նրա հետը մի օրինակ Ռօբինզօնի, որ այժմ պիտի ստացած լինիս: Ես զարմանում եմ որ այսքան ժամանակ ինձ նամակ չես գրում և չես գրում և չես տեղեկացնում մամուլի մասին որոյ գնելը քեզ է յանձնած. պր. Իզմիրեանցն ևս չգիտէ քո լրուութեան պատճառը: Ի՞նչ ասել կ'ուզէ որ՝ դորանով բանը ձախողակ է գնում. դու այդ իմանում ես, ուրեմն մեր դանդաղութեան վատ հետևանքը գրելն անգամ աւելորդ եմ համարում: Նորերումս երկու մեծ օգուտ ձեռներէս փախաւ. Բէրոյիանը իւր գրքի համար պայման կապում է տեղւոյս Ակադեմիոյ տրպարանապետի հետ և մի թուղթ գրեց Գօթիէին. ևս և մի հայ մարդ երկար ժամանակ կամելով իմ մօտ մի բազմահատոր գիրք տպելու՝ յուսահատեցաւ և մի շարաթ առաջ ինձ տուած խօսքը յետ առաւ և տուեց գիրքը տպելու ակադեմիա:—Գոնէ այսուհետև շտապէ՛ք: Ոչ ոք չի կայ մեզ նման արի և միևնոյն ժամանակ ոչ ոք մեզ պէս տարաբախտ չէ. հաւատում ես թէ ոչ: Ասա խնդրեմ՝ ի՞նչ պատասխան ստացար պր. Աֆթանդիլեա-

նից կամ Թիմուրեանից. Թէ ոչինչ չես ստանոււմ, նորից և նորից խնդրէ օգնութիւն: Դու նախընթաց նամակներիցս լաւ գիտես, որ մենք առանց նոցա օգնութեան, թէև մամուլ ստանանք ևս, ոչինչ յառաջացնել չենք կարող: Հաւատմաւ Նս պատրաստել եմ յայտարարութիւնը, եթէ ցէնզուրից դուրս գայ, իսկոյն կ'ուղարկեմ քեզ և այնուհետև խիստ շուտով կ'տպեմ: Խնդրեմ գրէ լիւնչպէս բաժանեցիր այբբենարանները, որոնց մասին Սերովլէն և ես գրել էինք Ռւս և Ռըբան, որ ես նոցա խնդրագիր ևս գրեմ: Շուտով գրէ նամակ և պատասխան:

Դու միշտ Ռափայէլ հաւատարիմ բարեկամը:

Հոկտ. 4.

Հոգեհարազատ եղբայր Գէորգ.

Վերջապէս ստացայ քեզանից վաղուցուայ սպասած պատասխանը. շնորհակալ եմ: Թողնենք յառաջաբանները և սկսենք բան խօսելու: Տպարանը գրեթէ պատրաստ է. այսինքն մամուլը, սենեակը, մի ձև (մանր) տառերը իմ մօտ են. բայց որովհետև ես տպարանումը (Եօնսօնի) պարտք ունիմ և Շանշիանցը որ խոստացել էր ազատել՝ դեռ ևս չկատարեց խօսքը՝ այդ պատճառաւ լիակատար չեմ կարող անուանել. Շանշիանցը փետրուարին տալու է: Բայց ցանկալի էր, որ աւել շուտով կատարուէր. Մանասարեանցը ևս, որ խոստացել է տպել իմ Հայոց դիւցազունը՝ այժմ վճռական բան չի ասում: Նս այժմ հրամայել եմ օրուաշինք շարել տալու Բեռոյեվի համար (բառարանի) և դորանով միայն զբաղած է բոլոր տպարանը. գուցէ 2 շաբաթից կ'տեսնի մեր գեղեցիկ մանր տառերը: Ռոբինզօններ ուղարկել չեմ կարող. տպարանից չեն տալիս. խնդրեմ ստանաս այն փողը որ հաւաքել էք. ես ստացածովս ճամբայ կ'դնեմ 100 հատ գիրքը առանց ժամանակ կորցնելու: Անանիան այստեղ է. դեռ ևս նրա հետ լաւ չեմ խօսել. նա ինձ ասելու բաներ ունէր. մնաց առ ժամանակ: Նոր լուր ունի՞ս, գրէ: Ծառը կ'ստանաս միւս անգամ, այժմ Մսերին նամակ եմ պատրաստում ըստ դիպաց նորա օրագրին:

Մնաս բարև: Խոնարհ եղբայր քո Ռափայէլ

Յունուարի 4.

1858.

Սիրելի Գէորգ,

Քու մի նամակին երկու պատասխան գրեցի և մինչև այսօր չգիտեմ ստացել ես, թէ ոչ, մանաւանդ երկրորդ նամակըս այնքան կարևոր էր, որ—չգիտեմ—կարելի էր արդեօք նորան անպատասխան թողնելու, տուի՞ր արդեօք նորա միջի գիրը պր. Իզմիրեանին, որ նա հասցնէր Հ. Մսերին և կամ յայտնեցի՞ր ֆնացած բաները պր. Իզմիրեանցին, որ նա անպատճառ կամենում կը լինի իմանալու, ես միանգամայն անտեղեակ եմ, դարձեալ կրկնում եմ, ասա Հ. Մսերին, որ իմ նամակը անպատճառ տպէ, բայց իմ անուան տեղ ստորագրէ թղթակից և այդ մականուամբ ես յաճախ ուղարկելու եմ նորա պատուական օրագրին պէս-պէս պարունակութեան հատուածներ: Եթէ նա դէպի վատ կողմը ուզէ մեկնելու իմ անկողմնապահ կարծիքը, դու, ջան դիր նորան միամտացնելու իմ մտերմութեան մասին, միայն ազգի իսկական օգուտը ինձ ստիպեց և միշտ ստիպելու է ճշմարտախօս լինել թէ կենդանի խօսքով և թէ գրութեամբ և ամեն ինչ ձեռնարկութիւն յանուն ազգի՝ միշտ մոռտ ունենալու է իմ սրտի մէջ և ցնծութեան արձագանք պիտի լսուի այնտեղէն: Ռօբինզօնի մասին գրել էի և գրում եմ. պէտք է ուղարկես փողը, որ կարողանամ ջնուաների ձեռքէն ազատելու: Թիմուրեանէն գիր ստացայ, մի քանի յոյսեր տալիս է, նիւթական ոչինչ չի կայ:

Մնաս բարև միշտ քեզ հաւատարիմ Ռափայէլ

1858, 15 յունուարի.

Ս. Պետերբուրգ:

Սիրեցեալ և բազմակարօտ եղբայր.

Ահա չորրորդ նամակն է որ մին մինի քամակից ուղարկում եմ քեզ և առ մեծի զարմացմանս նոցա պատասխանը չեմ ստանում. այն ինչ դու ինձ անպատճառ պիտի միամտացնէիր ինչպէս սրտակից բարեկամին է վայել. այն յոյսերովն, որով միայն կարող է ոտքի վրայ հաստատ կանգնել մեր ուխտի արգասիքն, որ իմ կողմանէ հազար ու մէկ զոհերով վերջապէս էացաւ որ մի ժամանակ միայն իսկական ցանկութիւն էր երեւում: Քանանեան՝ ես գիտեմ քու բարեացակամութիւնը. բայց դու ինձ հաւատացուր որ բարի կամենալն նոյն է որ բարի

անելն. այն ժամանակ ես տեղիք չեմ ունենալ քեզ անհանգիստ անելու. նմանապէս եթէ ես իմանայի որ մեր գործը երեքիս վրայ չէ լինելու, այլ պիտի ծանրանայ իմ վրայ՝ այն ժամանակ գուցէ ես մի ուրիշ ընթացք կ'ունենայի. բայց անդուստ ի վերուստ ես վստահած եմ ձեր երկուսի վրայ ինչպէս մի պիտի պատի, և միշտ սխալել եմ. այդ յոյսերն որ ես ունիմ ձեր օգնութեան մասին, եթէ անկատարելի են, եթէ լոկ խօսքեր են՝ առանց առանց ամաչելու. հաւատացիր, որ ես իմ պահանջմունքը խիստ կ'չափաւորեմ, գուցէ միանգամայն կ'կտրեմ ևս. բայց քու խօսքն և գրութիւնը միշտ դրա ներհակն են եղել և այդ պատճառաւ դուք եղել էք իմ ապաւէնը, եւ իմ աներկիւղ և արի քնաւորութեամբ առաջուայ պէս առաջ եմ գնում մեծամեծ ձեռնարկութիւններով, որոյ ապացոյցը կ'տեսնես 1 շարաթէն. նախ և առաջ ես կարծելով թէ դուք ինձ հչ միայն ըստ ձեր կարեաց կ'օգնէք, այլ և այլոց ևս կ'յորդորէք օգնելու՝ ես առաւել և առաւել յանդուգն դարձայ գործերումս. եթէ այժմ յետ կենաք՝ իհարկէ որ ես 1) կամ ամօթով պիտի յետ քաշուեմ, 2) կամ նոր հնար պիտի գտնեմ գլուխ բերելու, 3) և կամ թէ պիտի կորչեմ, ճշշուեմ գործոց ծանրութեան տակ. Միթէ դուք պաղարիւն հանդիսատես էք լինելու իմ չարաչար նահատակութեանը. Մտիկ արէք որ այդ խիստ վատ և անխիղճ բան կ'լինի ձեր կողմանէ. և այսուհետեւ ազնիւ գործոց մէջ մասն ունենալն պիտի միշտ ամաչացնէ ձեզ. Միթէ դուք փոքրօրդ դարձաք մինչև այդ աստիճան. Լաւ չէ. Մտերի մասին ինձ միամտեցրուր կամ մի բան գրէ. 2^է կամենում 100 Ռոբլինգօն ստանալու. Իզմիրեանցը գնացի:

Ռափայէլ

1858, յունուարի 21

Ս.-Պ. բուրգ: